



# ATASSUT INATSIARTUNI

---

ATASSUT

UPA 2014/45-1

Knud Kristiansen

09.04.14

**Nunalerinerup iluani imminut pilersorneq siuarsarneqarsinnaaqullugu 2015-imut aningaasanut inatsisissami 5 mio. kr-inik immikkoortitsinissamik Naalakkersuisut sulissuteqaqqullugit Inatsisartut aalajangiiffigisassaattut siunnersuut.**

(Inatsisartunut ilaasortaq Aqqaluaq B. Egede, Inuit Ataqtigiit)

ATASSUT-miit siunnersuuteqartoq qutsavigissavarput.

Nunatsinni imminut pilersornitta tamatigut annertusarnissaa ATASSUT-miit pingaartilluinnakkatta ilagaat. Tamannalu inerisassallugu, maannamullu misilittagaareersut iluaqutigalugit pisariaqarpoq.

Siunnersuuteqartup anguniagaa, ATASSUT-miit paasisinnaalluarparput, aammalu isumaqarpugut, maannamut misileraaviup Upernaviarsummiittup killiffianut naapertuuttoq. Tamannalu aamma siunertarineqartunut nunaateqarnermi, naatitanillu siuarsaanermut pisariaqartoq.

ATASSUT-miillu pisariaqartipparput, oqallinneq siunissaq eqqarsaatigalugu, qanoq nunaateqarnek eqqarsaatigalugu ineriartortitsinissap ilusilersornissaani, immikkoortitaartillugit ineriartortitsineq soqutigintinneruarpup. Imatut paasillugu, savaatillit aamma maannakkut saniatigut naatsiianik ineriartortitsippup, taakkulu pisinnaasaat soorunami killeqartussaavoq, naak ukiut kingullerni annertusiartoraluartoq tunisassiornek. Kisianni pingaaruteqarpoq, naatitaannavinnik pilersuineq siunertaralugu ineriartortitsineq. Soorlutaaq aamma nersutaateqarnek eqqarsaatigalugu siunnerfik taama iluseqartoq orniginartoq.

Tassami nuna tamaat pilersuinikkut anguniarneqassappat, aamma tunisassiornek, naatitsineq annertoq siunnerfiusariaqarpoq, aammalu immikkut suliffit nutaat tassuuna



## ATASSUT INATSISARTUNI

---

periarfissanngussappata, malitsigisassaalu ilinniartitaanikkut atuutilersussat, kiisalu siunissami ineriartortitsineq tamaat eqqarsaatigalugu.

Taamaattumillu ineriartortitsinermi misissuinerit piusut aallaavigalugit ilusilersuinissaq ATASSUT-miit aallaavigivarput. Aningaasalersuinikkullu periarfissat aamma annertusinissaat oqaloqataaffigerusupparput, kiisalu aamma ingiaqatigitillugu ilinniartitaanermut tunngasortaa. Naatitanik ineriartortitsinissaq eqqarsaatigalugu, teknikkikut atortutigut aamma nunatsinni pissutsit aallaavigalugit siunnerfeqarneq, illutanullu tunngasut ataatsimut aningaasalersuinermi periarfissaqartinneqarnissaat avaqqunneqarsinnaanngilaq. Taamaattumillu maannamut misileraanerit killiffii paasisaqarfiginerussallugit ATASSUT-miit soqutigissavarput.

Taamatut oqaaseqarluta siunnersuut taperserlugu, aappassaaneerneqartinnagu ataatsimiititaliamut susassaqartumut innersuupparput.